

INUIT ATAQATIGIIT

INATSISARTUNI



Nuuk, 02. december 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Kuupik V. Kleist, Inuit Ataqatigiit)

Apeqqutit:

- 1. Kalaallit Nunaata imartami oqartussaaffigisaani aalisakkanik 2013-imi TAC-nik pisassiisutinillu tunniussisimanerit pillugit Naalakkersuisut takussutisiamik saqqummiussisinnaappat, tamatumani ukiup ingerlanerani aalisakkanut sorlernut pisassiissutigineqareersut qaavisigut pisassiisoqartarsimnersoq ilanngullugit?**
- 2. 2013-ip ingerlanerani aalisagartassat ilaat eqqarsaatigalugit pisassiissutit qaavisigut TAC-millu inassuteqarnerit sipporlugit (Total Allowable Catch=annertunerpaamik pisarineqarsinnaasut) tunniussisoqartarsimappat, taamak iliortarsimanermut suna tunngaviunersoq paaserusunneqarpoq aammalu pisasseeqqittarnerit qanga aalajangiunneqartarsimanersut aalisarfinnilu sorlerni pisarnersut paaserusunneqarluni.**

Tunngavilersuut:

Inatsisartut pinnaatitsinerat naapertorlugu aalisarnermi TAC-nik pisassiisutinillu Naalakkersuisut ukiut tamaasa aalajangiisarput pisassiissutinillu taakku agguaattarlugit. Kalaallit Nunaata aalisarnermi oqartussaaffigisaani aalisakkanik assigiinngitsunik arlalinnik biologit siunnersuinerat tunngavigalugu TAC-nik aalajangersaasoqartarpoq tamannalu Kalaallit Nunaanni aalisarnermik inatsit qaqugukkulluunniit atuuttoq tunngavigalugu pisussaalluni. Ukioq 2013 aalisarfiusoq naangajalerpoq matumuunalu apeqquteqarninni aalisarsimanerup killiffia angusaqarfiueneralu paasisaqarfigerusuppara aammalu pisassiissutaareersut qaavisigut TAC-millu inassuteqarnerit sipporlugit aalisagartassanik tunniussisarsimanerit pillugit takussutissinneqarusullunga.